



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

45. De quodam Lutherano, qui se deuouendo, inficians vera esse quæ dicebantur à monacho Catholico, subitanea morte percussus est.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

deijcitur, & quæuis domus hæretici, & domus eorum sunt eorum sepulchra, nulla læsa domo orthodoxorum. Propter hæc confirmabatur ciuitas, & augebatur fides, & Deus laudabatur.

Matthias Bredenbachus in Apologia libri de disid. Eccl. compon. De quodam Lutheranò, qui se deuouendo, inficians vera esse que dicebantur à monacho Catholico, subitanea morte percussus est.

CAP. XLV.

FVit mihi in hac schola Embricensi laborem socius Petrus Homphæus, ingenij acumine ac lingua vtraque clarus, pastor quondam in pago ad Rheni ripam, haud procul à superiore Laenstein dissito. Is aliquando è sua patria nauigio descendens, secum habuit præter cæteros in eadem naue duos monachos. Hos cum quidam factionis Lutheranae miris contumeliis, conuitiis, & disputandi contentionibus exagitaret, alter monachorum placidis quidem verbis, sed rationibus tam grauibus obuiauit, vt ille nihil haberet, quod contradiceret. Cœpit itaque deuouendo se inficiari vera esse, quæ dicebantur à monacho. Si, inquit, ista se ita habent, perdat me subitanea morte hoc loco Deus. Atque vnà cum ipso verbo efflauit animam.

Sequentia septem capita narrarunt nobis viri quidam doctrina & pietate cōspicui, ac fide & integritate inprimis venerabi-

les, quæ in gratiam lectoris, & aliorum ædificationem subiungenda putauimus: neque enim Deus rara ista & admiranda fieri permittit, vt silentio sepeliantur, sed vt in edito posita, omnibus sint in documentum & ædificationem.

De Anabaptista quodam, qui supplicio affectu matris sue apparuit, indicans se perpetuo damnatum.

CAP. XLVI.

D. Martinus Duncanus, Decanus Hagensis, vir doctrina & vitæ integritate commendatissimus, retulit se adhuc apud Harlemiam agente, ibidem contigisse, circa annum Domini 1557. vt Anabaptista quidam nomine Adrianus, matrem suam adhuc Catholicam conaretur in suam sectam pellicere. Accidit autem Anabaptistam illum in carceres cõfiteri, vltimoq; supplicio adiudicari. Ad quod cum iam deducendus esset, accessit cum mater, rogans vt post obitum sibi appareret, seque de statu suo certiorẽ redderet. Quem si felicem cognosceret, se in eandem doctrinam concessuram. Filius supplicio affectus, paulo post matri apparuit in forma teteri nigerrimi, que canis, aiens se esse filium suum, ac perpetuo damnatum.

De concionatore Calvinista, qui ad populum concionaturus, presente muliere Catholica, que eo die sacram Eucharistiam perceperat, diuinitus obmutuit.

CAP.